


十誦律



三百十
職九

49853



元祿九年丙子二月日重脩

皇國華國 帝齋銀昌

佛日增輝 佛輪常轉

山城州天安寺法金剛院置

松平國書館藏



姚秦三藏弗若多羅共三藏鳩摩羅什譯

第二誦之三

九十波逸提之初

佛在舍衛國爾時南天竺有論議師以銅鏤

鏤腹頭上然火來入舍衛國時人問曰汝何

因緣尔答言我智慧多恐腹裂故汝頭上何

以著火欲照闇故語言癡婆羅門日

何以言闇答言汝等不知闇有二種一者無

日月火燭二者愚癡無智慧明諸人言汝未

見訶哆釋子比丘故敢作是語若見共語者

中則闇彼則日出時城內人民即喚訶哆



釋子比丘欲令共論時訂以聞之心愁不得
已而來入城道中見二羝羊共鬪即因取相
作是念一羊是婆羅門一羊是我者鬪
則不如見已轉更愁憂前行又見二牛共鬪
復作是念一牛是婆羅門一牛是我者
即復不如又前行復見二人相撲作是念一
是婆羅門一是我者即復不如欲入論
處見一女人持滿瓶水瓶即破復作是念
我見諸不吉相將無不如不得已便前入舍
見是論師婆羅門眼口相貌自知不如愁憂
更甚適坐須臾諸人便言可共論議答言我
今小不安穩須待明日是語已便還宿處

至後夜時即向王舍城明旦城中人集久待
不來知時已過自到祇洹推尋求之餘比丘
言訶哆釋子即後夜時持衣鉢去諸城內人
聞已種種呵責云何名比丘故妄語一人語
二人二人語三人如是展轉惡名流布滿舍
衛城是中有比丘少欲知足行頭陀著衣持

鉢入城乞食聞是事心不喜食已向佛廣說
佛以是事集比丘僧以種種因緣呵責云何
名比丘故妄語種種訶已語諸比丘以十利
故與諸比丘結戒從今是戒應如是說若比
丘故妄語者波夜提故妄語者知是事不尔
誑他故異說波夜提者是罪名燒煮覆障若

不悔過能障礙道是中犯者有五種有妄語
入突吉羅有入波夜提有入偷蘭遮有入僧
伽婆尸沙有入波羅夷入波羅夷者自知無
聖法語人言我有聖法是名入波羅夷入僧
伽婆尸沙者以無根波羅夷法謗他比丘故
入偷蘭遮者不具足波羅夷妄語亦不具足
僧伽婆尸沙妄語故入波夜提者若比丘以
無根僧伽婆尸沙謗他比丘故入突吉羅者
除四種妄語餘妄語犯突吉羅若比丘不見
事言見波夜提若見言不見波夜提若見謂
不見語他言見波夜提若不見謂見語他言
不見波夜提若見已疑爲見不見語他言不

見波夜提者不見疑為見不見語他言見波

夜提聞覺知亦如是若隨心想說不犯竟事

佛在王舍城尔時六羣比丘喜鬪諍相罵是

六羣比丘與諸比丘共鬪諍已便出他過形

相輕笑下賤種姓下賤名字伎術作業是時

有未諍者便諍已諍者不欲止未出事便出

已出事不可滅是中有比丘少欲知足行頭

陀聞是事心不喜種種因緣呵責云何名比

丘喜鬪諍相罵共他諍已便出其過取相輕

笑下賤種姓名字伎術是時有未諍者便諍

已諍者不欲止未出事便出已出事不可滅

種種因緣呵已向佛廣說佛以是事集比丘

僧知而故問六羣比丘汝實作是事不答言
實作世尊佛以種種因緣呵責去何名比丘
喜鬪諍相罵共他諍已便出其過形相輕笑
下賤種姓名字伎術是時有未諍者便諍已
諍者不欲止未出事便出已出事不可滅佛
種種因緣呵已說本生因緣佛語諸比丘過
去有人有一黑牛復有人亦有一牛爲財物
故唱言誰牛力勝我牛者我輸尔所物若不
如者輸我尔所物時黑牛主聞是唱聲答言
可尔時載重物繫牛車左形相輕笑喚謂黑
曲角以杖擊之牽是車去時牛聞是形相罵
故即失色力不能挽重上坂時黑牛主大輸

財物是得物人後復更唱誰牛力勝我輸尔
所物是時黑牛聞是唱聲便語主言是人何
故復唱斯言時主荅言貪財物故復作是唱
黑牛語主可荅言尔主言不能所以然者以
汝弊黑牛故大輸我物今復作者輸我物盡
牛語主言先在衆人前形相輕我以下賤名
喚謂黑曲角聞惡名故即失色力是故不能
挽重上坂今授主語莫出惡言在他前時便
語我言汝犢子時刺入脚中自看是刺欲
得出故角入地中故曲汝是好黑大牛生來
良善角廣且直主受牛語即便洗刷麻油塗
角著好華鬘繫車右邊柔軟愛語大吉黑牛

廣角大力牽是車去是牛聞是柔輓愛語故
即得色力牽重上坂時黑牛主先所失財物
便再三倍得是牛主得大利已心甚歡喜即
說偈言

載重入深轍
不應出惡言

隨我語能去
輓語有色力

是故應輓語
是牛能牽重

我獲大財物

身心得喜樂

佛語諸比丘畜生聞形相語故尚失色力何
況於人時佛以種種因緣呵已語諸比丘以
十利故與諸比丘結戒從今是戒應如是說
若比丘形相他者波夜提波夜提者煮燒覆
障若不悔過能障礙道是中犯者有八種謂

種伎作犯病相煩惱罵種者若比丘往語刹
利子比丘言汝刹利種用出家受戒為輕毀
心故一一語突吉羅又比丘往語婆羅門子
比丘言汝婆羅門種用出家受戒為輕毀心
故一一語突吉羅又比丘往語估客子比丘
言汝估客種用出家受戒為輕毀心故一一
語中突吉羅又比丘往語鍛師子比丘言汝
鍛師種用出家受戒為輕毀心故一一語波
夜提又比丘往語木師子比丘言汝木師種
用出家受戒為輕毀心故一一語波夜提又
比丘往語陶師子比丘言汝陶師種用出家
受戒為輕毀心故一一語波夜提又比丘往

語皮師子比丘言汝皮師種用出家受戒為
輕毀心故一一語波夜提又比丘往語竹師
子比丘言汝竹師種用出家受戒為輕毀心
故一一語波夜提又比丘往語剃毛髮師子
比丘言汝剃毛髮師種用出家受戒為輕毀
心故一一語波夜提又比丘往語旃陀羅子比
丘言汝旃陀羅種用出家受戒為輕毀心故
一一語波夜提是名為種伎者若比丘往語
刹利子比丘言汝刹利種用出家受戒為汝
應學乘象馬乘車輦輿學捉刀楯弓箭學捉
鐵鉤學擲網罟學入陣出陣如是種種刹利
波術汝應學輕毀心故一一語突吉羅罪又

比丘往語婆羅門子比丘言汝婆羅門種用
出家受戒爲汝應學韋陀經亦教他學自作
天祠亦教他作學飲食呪馳呪疾行呪劬羅
呪捷陀羅呪如是種種婆羅門伎術汝應學
輕毀心故一一語突吉羅又比丘往語估客
子比丘言汝估客種用出家受戒爲汝應學
書算數印相學知金銀相絲綿繒綵學坐金
肆銀肆客作肆銅肆珠肆如是種種估客伎
術汝應學輕毀心故一一語突吉羅又比丘
往語鍛師子比丘言汝鍛師種用出家受戒
爲汝應學作釧鞞鑠鼎鏃鋏鑊斧鑿大刀小
刀鉢鈎鉢多羅半鈎鉢多羅大捷瓷小捷瓷

剃刀鉞鉤鑊鑰如是種種鍛師伎術汝應學
輕毀心故一一語波夜提又比丘往語木師
子比丘言汝木師種用出家受戒為汝應學
作機關木人若男若女學作盆杆樓犁車乘
輦輿如是種種木師伎術汝應學輕毀心故
一一語波夜提又比丘往語陶師子比丘言
汝陶師種用出家受戒為汝應學知土柘取
土調泥著水多少學轉輪作盆瓶釜蓋大鉢
鉤鉢多羅半鉤鉢多羅大捷瓷小捷瓷如是
種種陶師伎術汝應學輕毀心故一一語波
夜提又比丘往語皮師子比丘言汝皮師種
用出家受戒為汝應學知皮相浸度堅韌或

割縫連作富羅革屣學治浸皮塵拭皮知皮
表裏學作鞍勒鞭靽如是種種皮師伎術汝
應學輕毀心故一一語波夜提又比丘往語
竹師子比丘言汝竹師種用出家受戒爲汝
應學知竹箒相浸竹堅軟學破學屈學作筍
箭扇蓋箱簾如是種種竹師伎術汝應學輕
毀心故一一語波夜提又比丘往語剃毛髮
師子比丘言汝剃毛師種用出家受戒爲汝
應學知留頂上周羅髮學剃鬚髮剃腋下毛
剪爪甲鑷鼻毛如是種種剃毛師伎術汝應
學輕毀心故一一語波夜提又比丘往語拊
陀羅子比丘言汝拊陀羅種用出家受戒爲

汝應學截人手足耳鼻頭持著木上學擔死
人出燒如是種種拚陀羅伎術汝應學輕毀
心故一一語波夜提是名爲伎作者若比丘
往語刹利子比丘言汝刹利種用出家受戒
爲汝應學乘馬爲馬羣輿捉刀楯弓箭擲鉤網羅
入陣出陣如是種種刹利事汝應作輕毀心
故一一語突吉羅又比丘往語婆羅門子比
丘言汝婆羅門種用出家受戒爲汝應讀韋
陀經亦教他讀自作天祠亦教他作讀飲食
呪馳呪疾行呪劬羅呪捷陀羅呪如是種種
婆羅門事汝應作輕毀心故一一語突吉羅
又比丘往語估客子比丘言汝估客種用出

家受戒為汝應坐金肆銀肆客作肆銅肆珠
肆如是種種估客事汝應作輕毀心故一一
語突吉羅又比丘往語鍛師子比丘言汝鍛
師種用出家受戒為汝應作釧鞞鎖鼎鏃鋏
鑿斧鑿大刀小刀鉢鉤鉢多羅半鉤鉢多羅
大捷瓷小捷瓷剃刀鍼鉤鎖鑰如是種種鍛
師事汝應作輕毀心故一一語波夜提又比
丘往語木師子比丘言汝木師種用出家受
戒為汝應作機關木人盆杆樓犁車乘輦輿
如是種種木師事汝應作輕毀心故一一語
波夜提又比丘往語陶師子比丘言汝陶師
種用出家受戒為汝應取土調泥轉輪作盆

瓶甕釜蓋鉢鉤鉢多羅半鉤鉢多羅大捷瓷
小捷瓷如是種種陶師事汝應作輕毀心故
一一語波夜提又比丘往語皮師子比丘言
汝皮師種用出家受戒為汝應取皮浸治割
截連縫作富羅革屣鞍勒鞭鞞如是種種皮
師事汝應作輕毀心故一一語波夜提又比
丘往語竹師子比丘言汝竹師種用出家受
戒為汝應破竹葦作筍作箭扇蓋箱篔如是
種種竹師事汝應作輕毀心故一一語波夜
提又比丘往語剃毛師子比丘言汝剃毛師
種用出家受戒為汝應剃毛鬚髮剃腋下毛
剪爪甲鑷鼻毛如是種種剃毛師事汝應作

輕毀心故一一語波夜提又比丘往語栴陀
羅子比丘言汝栴陀羅種用出家受戒為汝
應斷人手足耳鼻頭持著木上搭死人出燒
如是種種栴陀羅事汝應作輕毀心故一一
語波夜提是名為作犯者若比丘往語餘比
丘言汝犯罪人用出家受戒為汝犯僧伽婆
尸沙犯波夜提犯波羅提提舍尼犯突吉羅
輕毀心故一一語波夜提是名為犯病者若
比丘語餘比丘言汝惡病人用出家受戒為
汝有癩病癰病白癩病乾病瘡病鬼病輕毀
心故一一語波夜提是名為病相者若比丘
往語餘比丘言汝惡相人用出家受戒為汝

瘞手瓦手瘦癰左作僻似鳥翅輕毀心故一
一語波夜提是名為相煩惱者若比丘往語
餘比丘言汝重煩惱人用出家受戒為汝多
欲多瞋多癡喜憂惱輕毀心故一一語波夜
提是名煩惱罵者若比丘往語餘比丘言汝
喜罵人用出家受戒為汝作二種罵罵他一

集

言外

四

者白衣罵法二者出家罵法令心苦惱輕毀
心故一一語波夜提是名為罵若比丘以是八
種語餘比丘輕毀心故波夜提除是八種若
以餘事輕毀比丘者突吉羅若除比丘若以
八種輕毀餘人者突吉羅二事竟
佛在王舍城亦時六羣比丘喜鬪諍相言六

羣比丘與餘比丘共鬪諍故諸比丘僧分爲
二部是六羣比丘往語一部言汝等知不彼
部說汝等用出家受戒爲汝等某名某姓某
種某作某相復還語一部言汝等知不彼部
說汝等用出家受戒爲汝等某名某姓某種
某作某相是時有未破者便破已破者不和
合未出事便出已出事不可滅是中有比丘
少欲知足行頭陀聞是事心不喜種種因緣
呵責云何名比丘喜鬪諍令比丘僧破爲二
部便語一部言彼諸比丘說汝等用出家受
戒爲汝等某名某姓某種某作某相復還語
一部言汝等知不彼諸比丘說汝等用出家

受戒為汝等某名某姓某種某作某相是時
有未破者便破已破者不和合未出事便出
已出事不可滅種種因緣訶已向佛廣說佛
以是事集比丘僧知而故問六羣比丘汝實
作是事不荅言實作世尊佛以種種因緣呵
責云何名比丘鬪諍令比丘僧破為二部便
往語一部言彼諸比丘說汝等用出家受戒
為汝等某名某姓某種某作某相復語一部
言彼諸比丘說汝等用出家受戒為汝等其
名某姓某種某作某相是時有未破者便破
已破者不和合未出事便出已出事不可滅
佛種種因緣訶已即說本生因緣語諸比丘

過去世雪山下有二獸一名好毛師子二名
好牙虎共為善知識相親愛念相問評時閉
目相舐毛是二獸恒得煖好肉噉去是不遠
有兩舌野干野干作是念是好毛師子好牙
虎共作善知識相親愛念相問評時閉目相
舐毛恒得煖好肉噉我當至是二獸邊作第
三伴作是念已到虎師子所作是言我與汝
作第三伴汝聽我入不師子虎言隨意兩舌野
干得二獸殘肉噉故身體肥大肥已作是念是
好毛師子好牙虎共為善知識相親愛念相
問評時閉目相舐毛恒得好肉噉或時不得
必當噉我我何不先作方便令心別離別離

已皆從我受恩。你是念已往語。師子言汝知不好牙。虎有惡心於汝。作是言好毛。師子有所食噉。皆是我力說。是偈言。

雖有好毛色

勤疾人所畏

好毛不勝我

好牙作是說

好毛。師子言去。何得知野干。答言好牙。虎明日見汝時。閉目舐汝毛者。當知惡相。作是語已。往語。虎言汝知不好毛。師子於汝有惡心。作是言好牙。有所食噉。皆是我力說。是偈言。

雖有好牙色

勤疾人所畏

好牙不勝我

好毛作是說

去。何得知。答言好毛。明日見汝時。閉目舐汝

毛者當知惡相是二知識中虎生畏想是故
先往師子所言汝於我生惡心作如是言好
牙有所食噉皆是我力復說偈言

雖有好牙色

勦疾人所畏

好牙不勝我

汝作是說耶

師子言誰作是語答言兩舌野干好毛復問言汝

於我生惡心作如是言好毛有所食噉皆是
我力復說偈言

雖有好毛色

勦疾人所畏

好毛不勝我

汝作是說耶

虎言不也虎語師子言汝若有是惡語者不
得共作善知識好毛言是兩舌野干有如此

言於意云何不喜共我任耶即說偈言

若信是惡人 則速別離去 常懷其愁惱

瞋恨不離心 凡為善知識 不以他語離

不信欲除者 當覓其方便 若信他別離

則為其所食 不信兩舌者 還共作和合

所懷相向說 心淨言柔輒 應作善知識

和合如水乳 今此弊小虫 生來性自惡

一頭而兩舌 殺之則和合

尔時虎與師子驗事實已共捉野干破作二

分佛言畜生尚以兩舌因緣故得不安樂何

況於人佛以是因緣訶已語諸比丘以十利

故與諸比丘結戒從今是戒應如是說若比

丘兩舌者波夜提波夜提者名者煮燒覆障若不悔過能障礙道是中犯者有八種謂種伎作犯病相煩惱罵是八事中皆用五事如是名如是性如是種如是作如是相如是名者某甲某甲比丘名姓者婆蹉姓俱蹉姓傷提羅姓婆羅墮姓阿支羅姓是名姓種者刹利種婆羅門種毗舍種首陀羅種作者作賣金肆賣銀肆客作肆珠肆相者瘞手瓦手癭癬左作臂似鳥翅是名相若比丘往語刹利子比丘言彼說汝刹利種用出家受戒為彼是誰耶答曰名某某名是誰答曰姓某某姓是誰答曰某種某種是誰答曰某作某作是誰

荅曰某相若彼解者突吉羅不解者亦突吉
羅解已更說亦突吉羅若比丘往語波婆羅門
子比丘言彼說汝婆羅門種用出家受戒為
彼是誰耶荅曰名某某名是誰荅曰某姓某
姓是誰荅曰某種某種是誰荅曰某作某作
是誰荅曰某相若彼解者突吉羅不解者亦
突吉羅解已更說亦突吉羅若比丘往語
估客子比丘言彼說汝估客種用出家受戒為
彼是誰耶荅曰名某某名是誰荅曰某姓某
姓是誰荅曰某種某種是誰荅曰某作某作
是誰荅曰某相若彼解者突吉羅不解者亦
突吉羅解已更說亦突吉羅又比丘往語鍛

師子比丘言彼說汝鍛師種用出家受戒為
彼是誰耶答曰名某某名是誰答曰某姓某
姓是誰答曰某種某種是誰答曰某作某作
是誰答曰某相若彼解者突吉羅不解者亦
突吉羅解已更說亦突吉羅又比丘往語木
師子比丘言彼說汝木師種用出家受戒為
彼是誰耶答曰名某某名是誰答曰某姓某
姓是誰答曰某種某種是誰答言某作某作
是誰答曰某相若彼解者突吉羅不解者亦
突吉羅解已更說波夜提突吉羅又比丘往
語陶師子比丘言彼說汝陶師種用出家受
戒為彼是誰耶答曰名某某名是誰答曰某

姓某姓是誰答曰某種某種是誰答曰某作
某作是誰答曰某相若彼解者波夜提不解
者突吉羅解已更說得波夜提突吉羅又比
丘往語皮師子比丘言彼說汝皮師種用出
家受戒為彼是誰耶答曰名某某名是誰答
曰某姓某姓是誰答曰某種某種是誰答曰
某作某作是誰答曰某相若彼解者波夜提
不解者突吉羅解已更說波夜提突吉羅又
比丘往語竹師子比丘言彼說汝竹師種用
出家受戒為彼是誰耶答曰名某某名是誰
答曰某姓某姓是誰答曰某種某種是誰答
曰某作某作是誰答曰某相若彼解者波夜

提不解者突吉羅解已更說波夜提突吉羅
又比丘往語剃毛師子比丘言彼說汝剃毛
師種用出家受戒為彼是誰耶答曰名某某
名是誰答曰某姓某姓是誰答曰某種某種
是誰答曰某作某作是誰答曰某相若彼解
者波夜提不解者突吉羅解已更說波夜提
突吉羅又比丘往語梅陀羅子比丘言彼說
汝梅陀羅種用出家受戒為彼是誰耶答曰
名某某名是誰答曰某姓某姓是誰答曰某
種某種是誰答曰某作某作是誰答曰某相
若彼解者波夜提不解者突吉羅解已更
說波夜提突吉羅是名種伎者若比丘往語

刹刹子比丘言彼說汝刹刹利利種應學乘為馬
車輿捉刀楯弓箭擲鉤擲網縲入陣出陣如
是種種利利伎術汝應學用出家受戒為彼
是誰耶答曰名某某名是誰答曰某姓某姓
是誰答曰某種某種是誰答曰某作某作是
誰答曰某相若彼解者突吉羅不解者亦突
吉羅解已更說亦突吉羅又比丘往語婆羅
門子比丘言彼說汝婆羅門種應學韋陁經
亦教他學自作天祠亦教他作讀飲食呪蛇
呪疾行呪劬羅呪軋陁羅呪如是種種婆羅
門伎術汝應學用出家受戒為彼是誰耶答
曰名某某名是誰答曰某姓某姓是誰答曰

某種某種是誰答曰某作某作是誰答曰某
相若彼解者突吉羅不解者亦突吉羅解已
更說亦突吉羅又比丘往語估客子比丘言
彼說汝估客種應學書算數印相學知金銀
相絲綿繒綵應坐金肆銀肆客作肆銅肆珠
肆如是種種估客伎術汝應學用出家受戒
爲彼是誰耶答曰名某某名是誰答曰某姓
某姓是誰答曰某種某種是誰答曰某作某
作是誰答曰某相若彼解者突吉羅不解者
亦突吉羅解已更說亦突吉羅又比丘往語
鍛師子比丘言彼說汝鍛師種應學作釧鞞
鎖鼎鍤鋤鑿斧稍大刀小刀鉢鉤鉢多羅半

鉤鉢多羅大小捷瓷剃刀鍼鉤鎖鑰如是種
種鍛師伎術汝應學用出家受戒為彼是誰
耶荅曰名某某名是誰荅曰某姓某姓是誰
荅曰某種某種是誰荅曰某作某作是誰荅
曰某相若彼解者波夜提不解者突吉羅解
已更說波夜提突吉羅又比丘往語木師比
丘言彼說汝木師種應學作機關木人瓮杆
樓犁車乘輦輿如是種種木師伎術汝應學
用出家受戒為彼是誰耶荅曰名某某名是
誰荅曰某姓某姓是誰荅曰某種某種是誰
荅曰某作某作是誰荅曰某相若彼解者波
夜提不解者突吉羅解已更說波夜提突吉

羅又比丘往語陶師子比丘言彼說汝陶師
種應學知土相取土調泥學轉輪作盆瓶釜
蓋鉢鉤鉢多羅半鉤鉢多羅大捷瓷小捷瓷
如是種種陶師伎術汝應學用出家受戒為
彼是誰耶答曰名某某名是誰答曰某姓某
姓是誰答曰某種某種是誰答曰某作某作
是誰答曰某相若彼解者波夜提不解者突
吉羅解已更說波夜提突吉羅又比丘往語
皮師子比丘言彼說汝皮師種應學知皮相
浸皮堅輭割截裁縫作靴富羅革屣學治鹿皮
摩剝皮鞍勒鞭鞞如是種種皮師伎術汝應
學用出家受戒為彼是誰耶答曰名某某名

是誰答曰某姓某姓是誰答曰某種某種是誰答曰某作某作是誰答曰某相若彼解者波夜提不
解者突吉羅解已更說波夜提突吉羅又比丘往語剃毛師子比丘言彼說汝剃毛師種應
學留頂上周羅髮學剃髮剃鬚剃腋下毛剪

瓜甲鑷鼻中毛如是種種剃毛師伎術汝應學
用出家受戒爲彼是誰耶荅曰名某某名是
誰荅曰某姓某姓是誰荅曰某種某種是誰
荅曰某作某作是誰荅曰某相若彼解者波
夜提不解者突吉羅解已更說波夜提突吉
羅又比丘往語梅陀羅子比丘言彼說汝梅
陀羅種應學斷人手足耳鼻頭持箸木上擔
死人出燒如是種種梅陀羅伎術汝應學用
出家受戒爲彼是誰耶荅曰名某某名是誰
荅曰某姓某姓是誰荅曰某種某種是誰荅
曰某作某作是誰荅曰某相若彼解者波夜
提不解者突吉羅解已更說波夜提突吉羅

是名伎作者若比丘往語利利子比丘言彼說汝刹利種應乘馬馬車輿捉刀楯弓箭擲鉤網罽入陣出陣如是種種利利種事汝應作用出家受戒為彼是誰耶荅曰名某某名是誰荅曰某某姓某某姓是誰荅曰某某種某某種是誰荅曰某某作某某作是誰荅曰某某相若彼解者突吉羅不解者亦突吉羅解已更說亦突吉羅又比丘往語婆羅門子比丘言彼說汝婆羅門種應讀韋陀經亦教他讀自作天祠亦教他作讀飲食呪虵呪疾行呪劬羅呪捷陀羅呪如是種種婆羅門事汝應作用出家受戒為彼是誰耶荅曰名某某名是誰荅曰某某

姓某姓是誰答曰某種某種是誰答曰某作
某作是誰答曰某相若彼解者突吉羅不解
者亦突吉羅若解已更說亦突吉羅有比丘
往語賈客客子比丘言彼說汝賈客種應坐金
肆銀肆客作肆銅肆珠肆如是種種賈客事
汝應作汝用出家受戒為彼是誰耶答曰名
某某名是誰答曰某姓某姓是誰答曰某種
某種是誰答曰某作某作是誰答曰某相若
彼解者突吉羅不解者亦突吉羅解已更說
亦突吉羅又比丘往語鍛師子比丘言彼說
汝鍛師種應作釧鞞鎖鼎鏃鋏鑿斧稍大刀
小刀鉢鈎鉢多羅半鈎鉢多羅大捷瓷小捷

盜剃刀鍼鉤鎖鑰如是種種鍛師事汝應作
用出家受戒爲彼是誰耶荅曰名某某名是
誰荅曰某姓某姓是誰荅曰某種某種是誰
荅曰某作某作是誰荅曰某相若彼解者波
夜提不解者突吉羅解已更說波夜提突吉
羅又比丘往語木師子比丘言彼說汝木師
種應作機關木人車輿樓犁如是種種木師
事汝應作用出家受戒爲彼是誰耶荅曰名
某某名是誰荅曰某姓某姓是誰荅曰某種
某種是誰荅曰某作某作是誰荅曰某相若
彼解者波夜提不解者突吉羅解已更說波
夜提突吉羅又比丘往語陶師子比丘言彼

相若彼解者波夜提不解者突吉羅解已更
說波夜提突吉羅又比丘往語竹師子比丘
言彼說汝竹師種種應學破竹葦作筍作箭扇蓋
箱篋如是種種竹師事汝應作用出家受戒
爲彼是誰耶荅曰名某某名是誰荅曰某姓
某姓是誰荅曰某種某種是誰荅曰某作某
作是誰荅曰某相若彼解者波夜提不解者
突吉羅解已更說波夜提突吉羅又比丘往
語剃毛師子比丘言彼說汝剃毛師種種應知
留頂上周羅髮學剃髮剃鬚剃腋下毛翦爪
甲鑷鼻毛如是種種剃毛師技術汝應學用
出家受戒爲彼是誰耶荅曰名某某是誰荅

曰某姓某姓是誰答曰某種某種是誰答曰
某作某作是誰答曰某相若彼解者波夜提
不解者突吉羅解已更說波夜提突吉羅又
比丘徃語梅陀羅子比丘言彼說汝梅陀羅
種應作断人手足耳鼻頭持著木上擔死人
出燒如是種種梅陀羅事汝應作用出家受
戒為彼是誰耶答曰名某某名是誰答曰某
姓某姓是誰答曰某種某種是誰答曰某作
某作是誰答曰某相若彼解者波夜提不解
者突吉羅解已更說波夜提突吉羅是名為
作犯者若比丘徃語餘比丘言彼說汝犯罪
人用出家受戒為汝犯僧伽婆尸沙汝犯波

夜提汝犯波羅提提舍尼汝犯突吉羅彼是誰耶
答曰名某某名是誰答曰某姓某姓是誰
誰答曰某種某種是誰答曰某作某作是誰
答曰某相若彼解者波夜提不解者突吉羅
解已更說波夜提突吉羅是名爲犯病者若
比丘往語餘比丘言彼說汝惡病人用出家
受戒爲汝癩病癰病乾病疔病鬼病彼是誰
耶答曰名某某名是誰答曰某姓某姓是誰
答曰某種某種是誰答曰某作某作是誰
答曰某相若彼解者波夜提不解者突吉羅
解已更說波夜提突吉羅是名爲病相者若比
丘往語餘比丘言彼說汝惡相人用出家受

戒爲汝捲手瓦手癭癩左作辟似鳥翅彼是誰耶
答曰名某某名是誰答曰某姓某姓是誰
誰答曰某種某種是誰答曰某作某作是誰
答曰某相若彼解者波夜提不解者突吉羅
解已更說波夜提突吉羅是名煩惱罵者若
比丘往語餘比丘言彼說汝喜罵人用出家

受戒爲汝以二種罵罵他白衣罵出家罵彼
是誰耶答曰名某某名是誰答曰某姓某姓
是誰答曰某種某種是誰答曰某作某作是
誰答曰某相若彼解者波夜提不解者突吉
羅解已更說波夜提突吉羅是名爲罵若比
丘以是八種語餘比丘別離心故波夜提突
吉羅異是八種若以餘事別離比丘者突吉
羅除比丘若以八種別離餘人者突吉羅二事竟
佛在王舍城尔時六群比丘喜鬪諍相言相
罵是六群比丘共餘比丘鬪諍相言相罵倍
如法斷諍竟六群比丘知如法斷已還更發
起作是言諸長老是事非作惡作應更作非

斷惡斷更斷非停惡停更停非滅惡滅更滅
是中有未破比丘便破已破者不可和合未
諍者便諍已諍者不可滅是中有比丘少欲知
足行頭陀間是事心不喜種種因緣呵責六
群比丘言云何名比丘僧如法斷諍竟還更
發起作是言諸長老是事非作惡作更作非
斷惡斷更斷非停惡停更停非滅惡滅更滅
是中未破比丘便破已破者不可和合未諍
者便諍已諍者不可滅種種呵已向佛廣說
佛以是事集比丘僧知而故問六群比丘汝
實作是事不答言實作世尊佛以種種因緣
呵責六群比丘云何名比丘僧如法斷諍竟

還更發起作是言諸長老是事非作惡作更
作非斷惡斷更斷非停惡停更停非滅惡滅
更滅是中有未破比丘便破已破者不可和
合未諍者便諍已諍者不可滅佛種種因緣
呵已語諸比丘以十利故與諸比丘結戒從
今是戒應如是說若比丘僧如法斷諍竟還
更發起者波夜提如法斷者如法如律如毗
尼如佛教說諍者有四種相言諍無事諍犯罪
諍常所行諍還更發起者作如是言諸長老
是事非作惡作更作非斷惡斷更斷非停惡
停更停非滅惡滅更滅是人有五種一者舊
人二者客人三者授欲人四者說羯磨人五

者見羯磨人波夜提者名煮燒覆障若不悔
過能障礙道是中犯者若舊比丘於相言諍
中相言諍想如法滅已如法滅想還更發起
作如是言諸長老是事非作惡作更作非斷
惡斷更斷非停惡停更停非滅惡滅更滅波
夜提相言諍中無根諍想犯罪諍想常所行
諍想如法滅已如法滅想還更發起言諸長
老是事非作惡作更作非斷惡斷更斷非停
惡停更停非滅惡滅更滅波夜提若舊比丘
無根諍中無根諍相如法滅已如法滅相還
更發起言諸長老是事非作惡作更作非斷
惡斷更斷非停惡停更停非滅惡滅更滅波

夜提無根諍中犯罪諍想常所行諍想相言
諍想如法滅已如法滅想還更發起言諸長
老是事非作惡作更作非断惡断更断非停
惡停更停非滅惡滅更滅波夜提舊比丘犯
罪諍中犯罪諍想如法滅已如法滅想還更
發起言諸長老是事非作惡作更作非断惡
断更断非停惡停更停非滅惡滅更滅波夜
提犯罪諍中常所行諍想相言諍想無根諍
想如法滅已如法滅想還更發起言諸長老
是事非作惡作更作非断惡断更断非停惡
停更停非滅惡滅更滅波夜提舊比丘常所
行諍中常所行諍想如法滅已如法滅想還

更發起言諸長老是事非作惡作更作非斷
惡斷更斷非停惡停更停非滅惡滅更滅波
夜提常所行諍中相言諍想無根諍想犯罪
諍相如法滅已如法滅想還更發起言諸長
老是事非作惡作更作非斷惡斷更斷非停
惡停更停非滅惡滅更滅波夜提客比丘授
欲比丘作羯磨比丘見羯磨比丘亦如是若
比丘如法滅諍中如法滅想還更發起波夜
提如法滅諍中不如法滅想還更發起波夜
提如法滅諍中生疑還更發起波夜提不如
法滅諍中如法滅想還更發起突吉羅不如
法滅諍中生疑還更發起突吉羅不如法滅

諍中不如法滅想還更發起不犯四事竟

佛在舍衛國。爾時迦留陀夷中前著衣持鉢入舍衛城乞食。食已還至白房中收衣鉢持戶鉤在門間立。作是念。若有女人來此看者。我當示諸房舍。爾時多有女人來入寺看迦留陀夷。遙見女人來。作是言。諸姊妹來。我當示汝諸房舍處。以是因緣。故諸女人集說。兩可著事。以他母事向女說。言汝母隱處有如是如是相。爾時女作如是念。如是比丘所說。必當與我母通。又以女事向母說。汝女隱處有如是如是相。母作是念。如是比丘所說。必當與我女通。又以子婦事向姑說。汝子婦隱處有如是

是如是相姑作是念如是比丘所說必與我
子婦通又以姑事向子婦說汝姑隱處有如
是如是相子婦作是念如是比丘所說必當與
我姑通迦留陀夷作如是語時爲他身自身
作疑是諸婦女展轉相疑是中有比丘少欲
知足行頭陀聞是事心不喜種種因緣呵責
云何名比丘女人前說兩可羞事種種因緣
呵已向佛廣說佛以是事集比丘僧知而故
問迦留陀夷汝實作是事不答曰實作出尊
佛以種種因緣呵責云何名比丘女人所說
兩可羞事佛種種因緣呵已語諸比丘以十
利故與諸比丘結戒從今是戒應如是說若

比丘與女人說法過五六語除有知男子波
夜提女人者女人能受淫欲過五六語者五
語名色陰無常受想行識陰無常六語名眼
無常耳鼻舌身意無常法者名佛所說弟子
所說天所說仙人所說化人所說顯示布施
持戒生天涅槃有知男子者知名能分別言
語好醜波夜提者燒者覆障若不悔過能
障礙道是中犯者若比丘無解語男子與女
人說法過五六語若偈說偈偈波夜提若經
說事事波夜提若別句說句句波夜提若比
丘即先坐處坐無解語男子更有異女人來
復為說法過五六語先女人亦在中坐二俱

聞法若偈說偈偈波夜提若經說事事波夜
提別句說句句波夜提若比丘為女人說法
無解語男子過五六語已從坐起去更有女
人道中達來復為說法無有解語男子過五
六語先女人復從後來二俱聞法若偈說偈
得波夜提若經說事事波夜提若別句說句

得波夜提若比丘無解語男子與女人說法
過五六語已次入餘家更為餘女人說法過
五六語無解語男子先女人亦來在壁邊立
若在障邊若在籬邊若在塹邊亦復聞法若
偈說偈偈波夜提若經說事事波夜提若別
句說句句波夜提不犯者若比丘喞若達嚧

那若說所施功德若與受戒若女人問而答

不犯

五事竟

佛在阿羅毗國介時阿羅毗國比丘於寺內以句法教未受具戒人或足句不足句足味不足味足字不足字以是因緣故寺內出大音聲高聲多人衆聲似學筭人聲似波羅門讀章陀經時如捕魚師失魚時是寺內以句法教未受具戒人者聲亦如是佛聞是大高音聲知而故問阿難是寺寺內何以故有是多人衆聲阿難答言世尊是阿羅毗國比丘於寺內以句法教未受具戒人或足句不足句足味不足味足字不足字以是因緣故有

大高聲多人衆聲佛以是事集比丘僧知而
故問阿羅毗比丘汝實作是事不答言實作
世尊佛以種種因緣呵責阿羅毗比丘去何
名比丘以句法教未受具戒人種種因緣呵
已語諸比丘以十利故與諸比丘結戒從今
是戒應如是說若比丘以句法教未受具戒
人者波夜提未受具戒人者除比丘比丘尼
餘一切人是句法者足句不足句足味不足
味足字不足字足句者具足說句不足句者
不具足說句足味者具足說味不足味者不
具足說味足字者具足說字不足字者不具
足說字若足句即是足味足字非不足句不

足味不足字若不足句即是不足味不足字
非足句足味足字法者佛所說弟子所說天
所說仙人所說化人所說顯示布施持戒生
天泥洹波夜提者名煑燒覆障若不悔過能
障礙道是中犯者若比丘以足句法教未受
具戒人若偈說偈偈波夜提若經說事事波
夜提若別句句說句句波夜提足味足字亦如
是若比丘以不足句法教未受具戒人若偈
說偈偈波夜提若經說事事波夜提若別句
說句句波夜提不足味不足字亦如是不犯
者說竟說不犯者鬱提舍事問答並誦彼中自
已鬱提舍者授餘經者誦

六事
竟

十誦律卷第九

天竺

國下音竹

銅鑠

銅下音薄也

哆

反丁可

羶羊

伍上音壯

羊也相貌

下上去聲

拗挽

音晚牽

坂

音反小

刷

所勞

反也刮轍

車直列反

刀楯

下時尹反

綱

反下俱犬

也

也系天祠

下音廟也

劬羅

音衢

繒綵

上疾之葱名

金釧

鞞

音上昌

鐵索

鼎

鍬

吾告餅具

鈇

鑿

上七

反下俱縛

捷瓷

疾咨

鉞鈎

針字同

鎖

鑰

音下

藥作齋

穰犁

音樓

鞞

音安俗

鞭

鞞

杖歸

馬也下音秘

葦

于鬼反

梢

所交反

斗

或竹

器稍

非並鞞

徒點反

揃抓

上正作剪

甲

鑷

尼反

鞞反

者瘡病

上音渴病

捲手

上巨反

瘡

乞手

上骨反

五

職

𦉳 瘦癖

上必一領

反項

下氣病

煥煖

同舐

反時只

也 勦疾

上助交

反心

腹病也

煥煖

同舐

反時只

也 嘒

近反此

反稍

音朔槍

華也

俗用

同屬

